



## **Factory setting dalam iPhone**

**A**PAKAH yang dikatakan dengan *Factory Settings* dalam telefon iPhone? Bagaimana untuk melakukannya dan kenapa ia diperlukan?

- Karim, Melaka.

MANA-MANA gajet seperti telefon pintar atau *tablet* mempunyai satu fungsi konfigurasi kilang atau *Factory Settings*. Fungsi tersebut adalah untuk tetapkan (*set*) semula konfigurasi gajet kepada konfigurasi asal seperti yang telah ditetapkan oleh pihak pengilang.

Fungsi *set* semula (*reset*) konfigurasi gajet kepada konfigurasi kilang perlu dilakukan apabila berlaku sesuatu seperti yang berikut.

- 1** Berlaku masalah tidak stabil pada sistem pengoperasian atau aplikasi dalam gajet.
- 2** Perbetulkan masalah yang berlaku dalam gajet tersebut.
- 3** Pembersihan semula sistem pengoperasian atau aplikasi bagi gajet yang digunakan.
- 4** Keperluan gajet tersebut untuk dijual semula atau diberikan kepada pemilik baru.

Sebelum melakukan set semula gajet kepada konfigurasi kilang, pastikan dibuat sandaran bagi data yang terdapat dalam telefon pintar atau gajet tersebut sekiranya perlu.

Bagi telefon iPhone, proses sandaran data ini boleh dilakukan dengan menggunakan aplikasi *iCloud Backup* menerusi akaun *Apple ID*.

**Cara setkan semula telefon iPhone kepada konfigurasi kilang.**

- 1** Proses set semula telefon iPhone kepada konfigurasi kilang akan menghilangkan semua data yang terdapat di dalamnya. Oleh itu, pastikan telah dibuat sandaran data.
- 2** Buka menu iPhone *Settings > General*. Tap pada menu *General*.
- 3** Pergi ke bahagian bawah menu dan tap pada fungsi *Reset*.
- 4** Pilih pilihan *Erase All Content and Setting*.
- 5** Masukkan *passcode* iPhone untuk kebenaran aktiviti yang dibuat.
- 6** Pilih pilihan *Erase iPhone*. Seterusnya, bermulalah proses set semula konfigurasi kilang pada telefon iPhone.